

(“Službeni glasnik Bosne i Hercegovine” br. 12/09)

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 44. sjednici Predstavničkog doma, održanoj 21. januara 2009. godine, i na 24. sjednici Doma naroda, održanoj 29. januara 2009. godine, usvojila je

ZAKON

O IZMJENAMA I DOPUNAMA ZAKONA O ZAŠTITI TAJNIH PODATAKA

Član 1.

U Zakonu o zaštiti tajnih podataka ("Službeni glasnik BiH", broj 54/05), u članu 2. iza riječi: "Bosne i Hercegovine" dodaju se riječi: "međunarodne ili regionalne organizacije ukoliko je propisano sporazumom između Bosne i Hercegovine s jedne strane i međunarodne ili regionalne organizacije s druge strane".

Član 2.

U članu 5. stav (1) iza tačke a) dodaje se nova tačka b) koja glasi:

"b) poslanici u Predstavničkom domu Parlamentarne skupštine Bosne i Hercegovine i delegati u Domu naroda Parlamentarne skupštine Bosne i Hercegovine".

Dosadašnje tač. b) do h) postaju tač. c) do i).

Stav (2) mijenja se i glasi:

"(2) Lica iz stava (1) ovog člana imaju pristup isključivo tajnim podacima potrebnim za obavljanje njihovih dužnosti."

Iza stava (2) dodaju se novi st. (3) i (4) koji glase:

"(3) Lica iz stava (1) ovog člana ne mogu zahtijevati pristup tajnim podacima koji se ne odnose na pitanja iz njihove nadležnosti kako su propisane Ustavom, zakonima i propisima.

(4) Lica iz stava (1) ovog člana početkom mandata, odnosno pri preuzimanju dužnosti svojeručno potpisuju izjavu o upoznavanju sa Zakonom i drugim odgovarajućim propisima koji uređuju sigurnost tajnih podataka i preuzimaju obaveze postupanja prema tajnim podacima u skladu sa Zakonom i drugim odgovarajućim propisima."

Član 3.

U članu 6. stav (1) tačka a) alineja 4) riječi: "Državne granične službe" zamjenjuju se riječima: "Granične policije Bosne i Hercegovine".

Alineje 6) i 7) brišu se, a dosadašnje alineje 8) i 9) postaju alineje 6) i 7).

Član 4.

U članu 11. stav (3) riječ "ili" briše se, riječi: "organu unutrašnjih poslova" zamjenjuju se riječima: "agencijama za sprovođenje zakona" iza kojih se dodaju riječi: "ili Ministarstvu sigurnosti BiH".

Član 5.

Član 12. mijenja se i glasi:

"Član 12.

(Čuvanje tajnosti podataka druge države, međunarodne i regionalne organizacije)

- (1) Pristup, korištenje, čuvanje i zaštita tajnih podataka druge države, međunarodne ili regionalne organizacije vrši se u skladu sa sporazumom koji se zaključuje između Bosne i Hercegovine i druge države, međunarodne ili regionalne organizacije.
- (2) Ukoliko određeno pitanje nije regulirano sporazumom iz stava (1) ovog člana, primjenjuje se ovaj zakon i podzakonski propisi izdati na osnovu ovog zakona.
- (3) Za pristup tajnim podacima iz stava (1) ovog člana potrebne su dozvole koje se izdaju u skladu sa sporazumom iz stava (1) ovog člana i ovim zakonom. Sva lica kojima je za obavljanje svojih dužnosti potreban pristup tajnim podacima iz stava (1) ovog člana moraju proći sigurnosnu provjeru i dobiti dozvolu za pristup tajnim podacima druge države, međunarodne ili regionalne organizacije.
- (4) Lica koja su u skladu s ovim ili drugim zakonom izuzeta iz sigurnosnog provjeravanja a kojima je za obavljanje njihovih dužnosti potreban pristup tajnim podacima iz stava (1) ovog člana moraju proći sigurnosnu provjeru propisanu sporazumom iz stava (1) ovog člana i ovim zakonom.
- (5) Sigurnosna provjera iz stava (3) ovog člana obavlja se po postupku propisanom ovim zakonom, ako sporazumom iz stava (1) ovog člana nije drugačije propisano.
- (6) Vijeće ministara BiH će posebnim propisom, u skladu sa sporazumom iz stava (1) ovog člana i ovim zakonom, regulirati pitanja načina vršenja sigurnosnih provjera za pristup tajnim podacima Bosne i Hercegovine, odnosno tajnim podacima druge države, međunarodne ili regionalne organizacije."

Član 6.

U članu 13. stavu (2) tačka a) postaje tačka b) a tačka b) postaje tačka a), tačka o) mijenja se i glasi:

"o) rukovodioci organa, odnosno pravnih lica na svim nivoima u Bosni i Hercegovini koja su nadležna i obavljaju poslove iz oblasti navedenih u članu 8. ovog zakona".

U stavu (4) iza riječi "dozvolu" zarez se zamjenjuje tačkom a riječi: "odnosno ovlaštenje" brišu se.

Član 7.

U članu 14. stavu (1) tačke f) i g) postaju tačke b) i c), u tački e) riječi: "Državne granične službe", zamjenjuju se riječima: "Granične policije Bosne i Hercegovine".

Dosadašnje tačke b) do e) postaju tačke d) do g).

U stavu (3) iza riječi "dozvolu" zarez se zamjenjuje tačkom, a riječi: "odnosno ovlaštenje" brišu se.

Član 8.

U članu 15. riječi: "vanjske trgovine i ekonomskih odnosa BiH, uz saglasnost ministra odbrane BiH i ministra sigurnosti BiH" zamjenjuju se riječima: "sigurnosti BiH".

Član 9.

Iza člana 15. dodaju se novi čl. 15a., 15b., 15c.,15d., 15e., 15f., 15g., 15h. i 15i., koji glase:

**"Član 15a.
(Industrijska sigurnosna dozvola)**

- (1) Ukoliko postoji mogućnost da će pravno lice imati pristup ili doći u posjed tajnog podatka u okviru poslova stepena POVJERLJIVO i višeg stepena, za koji konkurira, onda pravno lice podnosi zahtjev Državnom sigurnosnom organu za izdavanje industrijske sigurnosne dozvole.
- (2) Zahtjev za izdavanje industrijske sigurnosne dozvole podnosi upravno tijelo pravnog lica ili menadžer za koje je potrebno izdavanje industrijske sigurnosne dozvole.
- (3) Uz zahtjev za izdavanje industrijske sigurnosne dozvole predsjednik upravnog tijela pravnog lica ili menadžer podnosi istovremeno zahtjev za izdavanje sigurnosnih dozvola za članove Upravnog tijela i zaposlene koji će raditi na odgovarajućem poslu saglasno listi radnih mjesta.
- (4) Upravno tijelo pravnog lica ili menadžer podnosi Državnom sigurnosnom organu popunjen upitnik, koji će biti propisan podzakonskim aktom Vijeća ministara BiH.
- (5) Obavještajno-sigurnosna agencija BiH nakon izvršenih sigurnosnih provjera će dostaviti izvještaj o izvršenim provjerama Državnom sigurnosnom organu u kojem će biti ugrađeno mišljenje Obavještajno-sigurnosne agencije BiH o postojanju ili nepostojanju sigurnosnih smetnji za provjeravano pravno lice.
- (6) Stepem tajnosti industrijske sigurnosne dozvole odgovarat će nivou lične sigurnosne dozvole članova Upravnog tijela i zaposlenih.

**Član 15b.
(Zahtjev za obavljanje sigurnosne provjere)**

- (1) Predsjednik Upravnog tijela pravnog lica ili menadžer popunjava zahtjev za obavljanje sigurnosne provjere za pravno lice i podnosi ga Državnom sigurnosnom organu.
- (2) Sigurnosna provjera o finansijskom stanju za pravno lice obavlja se za period od posljednjih pet godina.

**Član 15c.
(Vrijeme važenja industrijske sigurnosne dozvole)**

- (1) Industrijska sigurnosna dozvola, izdaje se pravnom licu za koje se utvrdi da nema sigurnosnih smetnji, a važi pet godina od dana izdavanja.
- (2) Nakon dobivanja industrijske sigurnosne dozvole, pravno lice je dužno odmah u pisanoj formi obavijestiti Državni sigurnosni organ o bilo kakvim promjenama vezanim za njegovu prijavu za izdavanje sigurnosne dozvole.
- (3) Promjene vezane za prijavu za izdavanje sigurnosne dozvole koje nastaju tokom provjere, pravno lice je dužno odmah javiti a u svakom slučaju prije izdavanja sigurnosne dozvole.

**Član 15d.
(Sadržaj industrijske sigurnosne provjere)**

- (1) Obavještajno-sigurnosna agencija BiH vrši sigurnosne provjere za pravno lice prema dostavljenom upitniku radi dobivanja sigurnosne dozvole pravnog lica i objekata.
- (2) Prije izdavanja sigurnosne dozvole pravnom licu, Državni sigurnosni organ obavlja certificiranje

objekata i time potvrđuje da objekat osigurava i garantira adekvatnu sigurnosnu zaštitu tajnih podataka stepena POVJERLJIVO i viši stepen tajnosti.

(3) Radi izdavanja industrijske sigurnosne dozvole pravnom licu obavljaju se sljedeće sigurnosne provjere:

- a) Identifikacioni podaci o pravnom licu (naziv, broj i mjesto registracije, godina osnivanja, prethodne registracije, osnovna djelatnost firme, dozvola za rad, poreski broj i broj zaposlenog);
- b) ekonomski i finansijski podaci pravnog lica (završni računi pravnog lica u posljednjih pet godina, izvještaji ovlaštenih revizorskih kuća, poslovni odnosi sa stranim partnerima, lista banaka i drugih finansijskih institucija kod kojih su imali račun u posljednje tri godine);
- c) imovinski podaci o pravnom licu (potraživanja i dugovanja pravnog lica, podaci o netoprihodima i rashodima na kraju finansijske godine posljednje tri godine);
- d) partnerstvo:
 - 1) dominantni predmet poslovanja pravnog lica;
 - 2) ime i prezime, adresa (naziv i mjesto registracije) partnera;
 - 3) stepen doprinosa svakog partnera s ograničenom odgovornošću;
 - 4) pregled stranih partnera u posljednjih pet godina (ime, prezime, državljanstvo, naziv partnera, vrijeme trajanja partnerstva, adresa);
 - 5) podaci o poslovnoj netoaktivi/imovini za prethodni finansijski period;
 - 6) akcioni kapital/dionice;
 - 7) dugovanja.

(4) Zavisno od oblika organizovanja pravnog lica, pored provjera koje su utvrđene u stavu (3) ovog člana, vrše se i dodatne provjere za pravno lice koja popunjavaju obrazac koji sadrži:

a) Dioničko društvo

- 1) vrijednost poslovne imovine;
- 2) broj, vrsta i nominalna vrijednost dionica/akcija;
- 3) ime, prezime, adresa (naziv, sjedište/mjesto) dioničara koji imaju udio u dionicima preduzeća 25% i više dionica dioničara i njihov procentualni udio u registriranom kapitalu sa izvodom iz registracije preduzeća;
- 4) ime, prezime i adresa članova Nadzornog odbora;
- 5) lista stranih članova upravnog i nadzornog tijela u posljednjih pet godina (ime, prezime, državljanstvo, vrijeme trajanja partnerstva, mjesto i država);
- 6) procentualni udio u kompaniji u kojoj se ispituje preduzeće, a u kojoj je dioničar (broj, vrsta i nabavna cijena podržana izvještajem od dioničarskog računa);
- 7) naplativi dug nakon određenog terećenja njegove odredbe, isplaćivanje naplative sume i datum;
- 8) udio u kapitalu ispitivanog preduzeća u klasifikaciji udjela i dividendi po ličnim emitentima (ime, mjesto, suma udjela u kapitalu).

b) Društvo s neograničenom solidarnom odgovornošću

- 1) ime i prezime osnivača društva i visina uloga osnivača;
- 2) osnivač preduzeća;
- 3) vrijednost poslovne imovine;
- 4) broj, vrsta i nominalna vrijednost dionica/akcija;
- 5) ime, prezime, adresa (naziv, sjedište/mjesto) dioničara koji imaju udio u dionicima preduzeća 25% i više dionica dioničara i njihov procentualni udio u registriranom kapitalu sa izvodom iz registracije preduzeća;
- 6) ime, prezime i adresa članova Nadzornog odbora;
- 7) lista stranih članova upravnog i nadzornog tijela u posljednjih pet godina (ime, prezime, državljanstvo, vrijeme trajanja partnerstva, mjesto i država);
- 8) procentualni udio u kompaniji u kojoj se ispituje preduzeće, a u kojoj je dioničar (broj, vrsta i

- nabavna cijena podržana izvještajem od dioničarskog računa);
- 9) naplativi dug nakon određenog terećenja njegove odredbe, isplaćivanje naplative sume i datum.

c) Komanditno društvo

- 1) ime i prezime članova koji odgovaraju za obaveze društava neograničeno solidarno sa svojom cjelokupnom imovinom;
- 2) ime i prezime ostalih članova društva koji odgovaraju za obaveze društva do iznosa njegovih uloga upisanih u sudski registar;
- 3) dominantni predmet poslovanja kompanije;
- 4) osnivač preduzeća;
- 5) vrijednost poslovne imovine;
- 6) broj, vrsta i nominalna vrijednost dionica/akcija;
- 7) ime, prezime, adresa (naziv, sjedište/mjesto) dioničara koji imaju udio u dionicima preduzeća, 25% i više dionica dioničara i njihov procentualni udio u registriranom kapitalu sa izvodom iz registracije preduzeća;
- 8) ime, prezime i adresa članova Nadzornog odbora;
- 9) lista stranih članova upravnog i nadzornog tijela u posljednjih pet godina (ime, prezime, državljanstvo, vrijeme trajanja partnerstva, mjesto i država);
- 10) podaci o poslovnoj netoaktivi/imovini za prethodni finansijski period;
- 11) akcioni kapital/dionice;
- 12) dugovanja;
- 13) procentualni udio u kompaniji u kojoj se ispituje preduzeće, a u kojoj je dioničar (broj, vrsta i nabavna cijena podržana izvještajem od dioničarskog računa);
- 14) naplativi dug nakon određenog terećenja njegove odredbe, isplaćivanje naplative sume i datum.

d) Društvo s ograničenom odgovornošću

- 1) osnivač preduzeća;
- 2) vrijednost poslovne imovine;
- 3) broj, vrsta i nominalna vrijednost dionica/akcija;
- 4) ime, prezime, adresa (naziv, sjedište/mjesto) dioničara koji imaju udio u dionicima preduzeća, 25% i više dionica dioničara i njihov procentualni udio u registriranom kapitalu sa izvodom iz registracije preduzeća;
- 5) ime, prezime i adresa članova Nadzornog odbora;
- 6) lista stranih članova upravnog i nadzornog tijela u posljednjih pet godina (ime, prezime, državljanstvo, vrijeme trajanja partnerstva, mjesto i država);
- 7) podaci o poslovnoj netoaktivi/imovini za prethodni finansijski period;
- 8) akcioni kapital/dionice;
- 9) dugovanja;
- 10) procentualni udio u kompaniji u kojoj se ispituje preduzeće, a u kojoj je dioničar (broj, vrsta i nabavna cijena podržana izvještajem od dioničarskog računa);
- 11) naplativi dug nakon određenog terećenja njegove odredbe, isplaćivanje naplative sume i datum.

Član 15e.
(Žalba na odluku)

- (1) Protiv odluke Državnog sigurnosnog organa kojom se utvrđuje postojanje sigurnosnih smetnji, može se u roku od 15 dana od dana dostavljanja rješenja kojim se odbija zahtjev za izdavanje industrijske sigurnosne dozvole, izjaviti žalba Komisiji iz člana 14. ovog zakona (u daljnjem tekstu: Komisija).
- (2) Komisija je dužna u roku od 30 dana od dana dostavljanja žalbe, da donese odluku po žalbi pravnog lica čiji je zahtjev za izdavanje industrijske sigurnosne dozvole odbijen.
- (3) Protiv odluke Komisije može se tužbom pokrenuti upravni spor kod Suda BiH u roku od dva mjeseca od dana dostavljanja odluke po žalbi.

Član 15f.
(Poziv na tender)

- (1) Poziv na tender u vezi s ugovorima mora sadržavati odredbu koja zahtijeva da pravno lice mora imati sigurnosnu dozvolu, izdatu u skladu sa Zakonom.
- (2) Državni sigurnosni organ će, tokom trajanja ugovora, nadzirati pridržavanje svih njegovih sigurnosnih odredbi, a bilo koja povreda zakona ili ugovora bit će prijavljena Državnom sigurnosnom organu.
- (3) Pravno lice koje nije uspjelo na tenderu morat će vratiti svu tendersku dokumentaciju u određenom roku.

Član 15g.
(Lista pravnih lica)

- (1) Državni sigurnosni organ objavit će na internet-stranici listu pravnih lica s tačno određenim identifikacionim oznakama pravnog lica i stepenom tajnosti za koju je izdata industrijska sigurnosna dozvola, s datumom njenog važenja.
- (2) Lista pravnih lica s datumom važenja industrijske sigurnosne dozvole sadržavat će osnovne identifikacione podatke pravnog lica i datum isteka njegove industrijske sigurnosne dozvole.

Član 15h.
(Evidencije)

- (1) Državni sigurnosni organ vodit će evidencije o sigurnosnim dozvolama izdatim pravnim licima.
- (2) Sadržaj evidencija bit će propisan podzakonskim aktom Državnog sigurnosnog organa.

Član 15i.
(Podzakonski akti)

Podzakonskim aktom Vijeća ministara BiH bit će bliže propisane odredbe koje će se odnositi na način izdavanja industrijske dozvole, procedure izdavanja industrijske sigurnosne dozvole, sadržaj i oblik upitnika, evidencije, procedure rada s ugovorima, kao i druge odredbe koje nisu propisane Zakonom, a odnose se na oblast industrijske sigurnosti."

Član 10.

U članu 19. u tački d), riječ "BiH" zamjenjuje se riječju "državnih".

Član 11.

U članu 30. stav (1) mijenja se i glasi:

"(1) Lica koja rade ili se prijavljuju za rad na radno mjesto na kojem se proizvode tajni podaci, u organu koji se bavi obavještajnim ili pitanjima iz oblasti odbrane i sigurnosti, bit će predmet osnovnog sigurnosnog provjeravanja u skladu s postupkom za izdavanje dozvole za pristup tajnim podacima stepena POVJERLJIVO."

Iza stava (4) dodaju se novi st. (5) i (6) koji glase:

"(5) Obavještajno-sigurnosna agencija BiH dužna je dostaviti rezultate provedene sigurnosne provjere nadležnom rukovodiocu organa, odnosno institucije iz stava (3) ovog člana u roku od 90 dana od dana prijema zahtjeva, uz mogućnost produžetka roka provjere za dodatnih 30 dana. U slučaju potrebe produžetka

roka, Obavještajno-sigurnosna agencija BiH obavijestit će nadležnog rukovodioca organa, odnosno instituciju iz stava (3) ovog člana.

(6) Postupak sigurnosne provjere bit će obustavljen u sljedećim slučajevima:

- a) na pismeni zahtjev lica za koje se vrši sigurnosna provjera, a uz povlačenje iz člana 47. stav (1) tačka d) Zakona;
- b) na pismeni zahtjev nadležnog rukovodioca organa, odnosno institucije iz stava (3) ovog člana."

Dosadašnji stav (5) postaje stav (7).

Stav (6) briše se.

Član 12.

Iza člana 30. dodaje se novi član 30a. koji glasi:

"Član 30 a.

(1) Sigurnosnu dozvolu za pristup tajnim podacima za fizička lica koja su zaposlena u domaćim ili stranim pravnim licima, međunarodnim ili regionalnim organizacijama izdaje Državni sigurnosni organ, odnosno u skladu sa zaključenim međunarodnim sporazumima ako se radi o podacima druge zemlje ili strane organizacije.

(2) Zahtjev za vršenje sigurnosne provjere lica iz stava (1) ovog člana podnosi se Državnom sigurnosnom organu koji će potpune zahtjeve proslijediti Obavještajno-sigurnosnoj agenciji BiH.

(3) Sigurnosna dozvola za pristup tajnim podacima licima iz stava (1) ovog člana izdaje se na osnovu obavljene sigurnosne provjere koju, na zahtjev Državnog sigurnosnog organa, obavlja Obavještajno-sigurnosna agencija BiH koja, u okviru obavljanja sigurnosnih provjera, saraduje, prema potrebi, s drugim državnim organima i institucijama.

(4) Odluku o postojanju, odnosno nepostojanju sigurnosnih smetnji za lica iz stava (1) ovog člana donosi ministar sigurnosti BiH i dostavlja je rukovodiocu pravnog lica iz stava (1) ovog člana."

Član 13.

Naslov člana 31. mijenja se i glasi:

"(Obavljanje sigurnosnih provjera)"

Član 14.

U članu 31. stav (2) riječi: "Sigurnosno-obavještajnoj komisiji za nadzor nad radom OSABiH Parlamentarne skupštine BiH" zamjenjuju se riječima: "Komisiji koju će imenovati Vijeće ministara BiH".

Član 15.

U članu 32. stav (2) iza riječi "smetnja" dodaju se riječi: "ili koje su podnijele pismeni zahtjev za obustavu sigurnosne provjere", iza riječi "obavljena" dodaju se riječi: "ili obustavljena".

Član 16.

U članu 33. stav (2) mijenja se i glasi:

"(2) Izuzetno od odredbi čl. 30. i 31. ovog zakona, osnovnu sigurnosnu provjeru obavljat će Državna agencija za istrage i zaštitu (SIPA) za sljedeća lica:"

U stavu (4) iza broja "(1)", dodaju se riječi: " i (2)".

Stav (5) briše se.

Dosadašnji stav (6) postaje stav (5).

Član 17.

U članu 35. u stavu (1) dodaje se nova rečenica koja glasi:

"Rok za izdavanje dozvole je 30 dana od dana prijema rezultata sigurnosne provjere."

U stavu (2) riječi: "koje je potrebno izdavanje dozvole" zamjenjuju se riječima: "lica koja su predmet sigurnosne provjere".

Član 18.

U članu 36. stav (1) mijenja se i glasi:

"(1) Licima kojima je potreban pristup tajnim podacima dozvolu za pristup tim podacima, u skladu s odredbama ovog i drugih posebnih zakona, izdaje ministar sigurnosti BiH ili po njegovom ovlaštenju zamjenik ministra sigurnosti BiH, uzimajući u obzir mišljenje Obavještajno-sigurnosne agencije BiH u koje mogu biti ugrađena mišljenja odgovarajućih organa iz člana 30. stav (5) i člana 56. ovog zakona."

Na kraju stava (2) dodaje se nova rečenica koja glasi:

"O izdatim dozvolama ministar odbrane BiH mjesečno će obavijestiti Ministarstvo sigurnosti BiH."

U stavu (4) riječi: "odnosno ministar odbrane BiH, dužni su mjesečno, a po potrebi i češće, obavijestiti Sigurnosno- obavještajnu komisiju za nadzor nad radom OSABiH Parlamentarne skupštine BiH (u daljnjem tekstu: Komisija)" zamjenjuju se riječima: "dužan je godišnje, a po potrebi i češće, obavijestiti Zajedničku komisiju za nadzor nad radom Obavještajno-sigurnosne agencije Bosne i Hercegovine Parlamentarne skupštine BiH (u daljnjem tekstu: Zajednička komisija)."

Iza stava (4) dodaje se novi stav (5) koji glasi:

"(5) Licima iz člana 5. ovog zakona izdat će se dozvola za pristup tajnim podacima čiji će sadržaj i izgled utvrditi podzakonskim propisom Ministarstvo sigurnosti BiH."

Član 19.

Član 37. mijenja se i glasi:

"Član 37.

(Izdavanje dozvola za zaposlene u međunarodnim organizacijama)

(1) Dozvolu za pristup tajnim podacima za državljane BiH zaposlene u stranim preduzećima i međunarodnim organizacijama izdaje Ministarstvo sigurnosti BiH.

(2) O izdatim dozvolama iz stava (1) ovog člana ministar sigurnosti BiH dužan je godišnje, a po potrebi i češće, u pisanoj formi obavijestiti Zajedničku komisiju."

Član 20.

U članu 39. u stav (3) riječi: "obavijestit će ministra sigurnosti BiH, odnosno ministra odbrane BiH, u skladu s čl. 36. i 37. ovog zakona (u daljnjem tekstu: lica nadležna za izdavanje dozvola) koji će, na osnovu sumnje u postojanje sigurnosne smetnje, odbiti izdavanje dozvole za pristup tajnim podacima", zamjenjuju se riječima: "rukovodilac organa koji je podnio zahtjev za obavljanje sigurnosne provjere, obavijestit će ministra sigurnosti BiH."

Član 21.

U članu 45. u stavu (1) riječi: "Sigurnosno-obavještajnoj komisiji za nadzor nad radom OSABiH Parlamentarne skupštine BiH", zamjenjuju se riječima: "Komisiji koju će imenovati Vijeće ministara BiH".

Član 22.

U članu 46. iza stava (1) dodaje se novi stav (2) koji glasi:

"(2) OSABiH i drugi nadležni organi u postupku obavljanja sigurnosnih provjera za lica koja su boravila u inozemstvu duže od tri mjeseca, ukoliko s odnosnom državom nema zaključen međunarodni sporazum, mogu izvršiti provjeru i provjeravati podatke na osnovu saradnje sa institucijama, poslodavcima, sudovima, tužilaštvima i drugim nadležnim državnim, entitetskim i drugim organima u BiH."

Član 23.

U članu 48. tačka b) iza riječi "stepena" dodaju se riječi: "POVJERLJIVO i".

U tački c) iza riječi "stepena" dodaju se riječi: "POVJERLJIVO, TAJNO i".

Član 24.

U članu 52. riječ "izjavu" briše se.

Član 25.

U članu 53. stav (1) mijenja se i glasi:

"(1) Podaci iz osnovnog, posebnog i dodatnog upitnika za prvu sigurnosnu provjeru u postupku izdavanja dozvole za pristup tajnim podacima stepena POVJERLJIVO, TAJNO i VRLO TAJNO nema vremenskog ograničenja."

Član 26.

U članu 54. stav (1) riječi: "generalni direktor OSABiH" zamjenjuju se riječima: "rukovodilac organa".

Član 27.

U članu 62. stav (5) mijenja se i glasi:

"(5) Centralni registar odgovoran je za prijem, evidenciju, rukovanje i distribuciju tajnih podataka određenog stepena koji se razmjenjuju s drugom državom, međunarodnom ili regionalnom organizacijom."

Iza stava (5) dodaju se novi st. (6) i (7) koji glase:

"(6) Svaki organ može uz prethodnu certifikaciju Državnog sigurnosnog organa uspostaviti podregistar koji će biti odgovoran za prijem, evidenciju i rukovanje tajnim podacima koji se dostave tom organu od

Centralnog registra.

(7) Sva pitanja koja se odnose na prijem, evidenciju, rukovanje i distribuciju između Centralnog registra i podregistra bit će regulirana posebnim aktom koji donosi ministar sigurnosti BiH."

Član 28.

U članu 63. stav (1) iza riječi "se" dodaju se riječi: "u izuzetnim situacijama".

Član 29.

U članu 65. riječi: "pisane dozvole" zamjenjuje se riječima: "pismene saglasnosti".

Član 30.

U članu 72. stav (1) iza riječi "provjere" dodaju se riječi: "u kojoj nisu utvrđene sigurnosne smetnje", iza riječi: "proći će" dodaje se riječ "obaveznu".

Član 31.

U članu 77. stav (4) mijenja se i glasi:

"(4) Državni sigurnosni organ izdat će članovima i zaposlenim Zajedničke komisije službenu legitimaciju radi obavljanja poslova u skladu s ovim Zakonom."

Iza stava (4) dodaje se novi stav (5) koji glasi:

"(5) Oblik i sadržaj legitimacije iz stava (4) ovog člana utvrdit će Državni sigurnosni organ."

Član 32.

U članu 78. stav (1) iza riječi: "kaznit će se" dodaju se riječi: "za prekršaj".

Član 33.

U članu 79. stav (1) iza riječi: "kaznit će se" dodaju se riječi: "za prekršaj".

Član 34.

Iza člana 83. dodaje se novi član 83a. koji glasi:

"Član 83a.

Organi, organizacije i institucije Bosne i Hercegovine, entiteta i ostalih nivoa državne organizacije Bosne i Hercegovine dužni su, najkasnije u roku od 18 mjeseci od dana stupanja na snagu ovog zakona, osigurati da svi zvaničnici i zaposleni, koji, zbog prirode poslova koje obavljaju, moraju imati pristup tajnim podacima, dobiju odgovarajuće dozvole u skladu s ovim zakonom."

Član 35.

U članu 84. riječi: "godinu dana" zamjenjuju se riječima: "tri godine", iza riječi "snagu" dodaje se riječ "ovog".

Član 36.

Iza člana 87. dodaju se novi čl. 87a., 87b. i 87c. koji glase:

**"Član 87a.
(Prijelazne odredbe)**

- (1) Nadležni organi, organizacije i institucije dužni su, najkasnije u roku od 18 mjeseci od dana stupanja na snagu ovog zakona donijeti i usaglasiti postojeće provedbene propise donesene na osnovu ovog zakona.
- (2) Nadležni organi, organizacije i institucije dužni su, najkasnije u roku od 18 mjeseci od dana stupanja na snagu ovog zakona osigurati uvjete za čuvanje tajnih podatka u skladu s Zakonom.

Član 87b.

Vijeće ministara BiH dužno je u roku od 30 dana od dana stupanja na snagu ovog zakona imenovati Komisiju iz člana 14. odnosno člana 21. ovog zakona.

Član 87c.

- (1) Žalbe uložene protiv rješenja osoba nadležnih za izdavanje dozvola kojima je odbijen zahtjev za izdavanje dozvole za pristup tajnim podacima a koje su podnesene Zajedničkoj sigurnosno-obavještajnoj komisiji za nadzor nad radom OSABiH do stupanja na snagu ovog zakona, rješavat će se po odredbama Zakona o zaštiti tajnih podataka ("Službeni glasnik BiH", broj 54/05).
- (2) Stupanjem na snagu ovog zakona žalbe iz stava (1) ovog člana, će rješavati Komisija iz člana 14. odnosno člana 21. ovog zakona".

Član 37.

Ovaj Zakon stupa na snagu osmog dana od dana objavljivanja u "Službenom glasniku BiH".

PSBiH broj 288/09
29. januara 2009. godine
Sarajevo

Predsjedavajući
Predstavničkog doma
Parlamentarne skupštine BiH
Beriz Belkić, s. r.

Predsjedavajući
Doma naroda
Parlamentarne skupštine BiH
Dr. Mladen Ivanić, s. r.